

isiNdebele

Izinga le-

4c



**UGcina  
uzigcina  
aphilile!**

Nomsa Mokoena



**Ulwazi  
Lwethu**

### **Amatjhada (ukubuyekeza)**

hl, kh, kw, ng, bh, dl, mb, nd, ny, nz, ph, th, tjh, lw, nj, nt, rh, tj, tl, ndl, dw, mv, nc, sw, ncw

### **Itjhada elitjha**

**gc** (UGcina, nginguGcina, uzigcina, ukuzigcina, ngizigcina, ukugcina, ukuyigcina, ngigcina, igcina, ezingigcina, ngizigcine)

### **Amagama awabona kanengi (ukubuyekeza)**

umma, kamnandi, abantwana

### **Amagama awabona kanengi (amatjha)**

namapatlagwana

ilampa

nobuqhopho

amaqebelengwana

**UGcina uzigcina aphilile!**

**isiNdebele**

**Izinga le- 4C**

ISBN: 978-1-77981-078-6

© 2023 Ulwazi Lwethu African Languages Literacy Project

Umtlozi: Nomsa Mokoena

Utlolikabutjha: Vusi Mtsweni

Umdwebi: Nicola Smith

Ukutlhama nokuhlela: Rock Bottom Graphic & Design

Ikhutshwe kokuthoma ngee-2023

# UGcina uzigcina aphilile!



**Nomsa Mokoena**

Lotjhani! Igama lami nginguGcina.  
Ngizonitjela ukobana ngizinakekela bunjani.

Umma uthi kuqakathekile ukobana  
sinakekele imizimba yethu.

Lokhu esikudlako nesikuselako  
kuqakathekile. Ukuzigcina sihlanzekile  
nokuzithabulula kuqakathekile. Lokhu  
esikumbathako nesikhathi esisilalako  
kuqakathekile nakho!



Ngidla ukudla okunengi okunepilo  
okufana nemirrorho, iinthelo, amaqanda,  
amandongomani, ikukhu, nefesi.

Amazambana akhanzingiweko, amakhekhe,  
amakuke, amaqebelengwana namaswidi  
zinambitha kamnandi, kodwana azinapilo!  
Zidle ngezinye iinkhathi ingasi ngeekhathi  
zoke ukwenzela ukuzithabisa.





Ngizigcina ngiphilile ngokusela amanzi amanengi nahlanzekileko. Ubaba ungitjele kobana amanzi asiza ukuhlanza imizimba yethu ngaphakathi.

Godu ngisela nebisi, lenza amazinyo wami aqine. Umnakwethu omncani uThakasile uyalithanda ibisi!

Iinselo ezimakhaza nejuzi zinambitha kamnandi, kodwana azinapilo! Ngizisela ngezinye iinkhathi ingasi ngeenkhathi zoke.

Uthi bewazi na?

Kufanele soke sisele amarhalasi abu-8 wamanzi qobe lilanga.





Umma uthi ukugcina imizimba yethu  
ihlanzekile kuyasiza ukuyigcina iphilile.

Ngihlamba izandla kanengi. Lokhu kuvimbela  
imbewu yobulwele kobana ingayi kamanye  
amalunga womzimba wami. Ngiyabala  
ngifike esumini njengombana ngihlamba.  
Lokhu kwenza isiqiniseko sokobana  
zihlanzeke ngokufaneleko.

Godu ngihlamba amazinyo qobe ekuseni  
nebusuku ngaphambi kobana ngiyokulala.



Ngembatha ngokuya ngobujamo bezulu.

Ebusika ngigcina iinyawo zami zifuthumele ngamakowusu. Ngigcina ihloko yami ifuthumele ngomncwazi, bese ngigcina intamo yami ifuthumele ngesikhafu. Ijeresi igcina umzimba wami ufuthumele. Lokhu kuqakathekile kwenzela bonyana ngingaguli.


Ehlobo ngembatha izembatho ezingigcina ngipholile, ngesikhindi, isikipa begodu namapatlagwana. Ngembatha ikepisi lokha nangingaphandle ukuvikela ubuso bami elangeni.



Kuqakathekile kimi ukuzithabulula  
kwesikhatjhana esincani qobe lilanga  
ukwenzela bonana ngizigcine ngiphilile.

Qobe ngemva kwamadina ngiya  
ngaphandle, ngiyeqa ngerobho yami  
yokweqayeqa. Lokhu kusiza umzimba wami  
kobana uqine begodu uhlale uphilile.







Kufanele ngivuke ekuseni nge-iri lesi-6 poro ngizilungiselele ukuya esikolweni, ngalokho ke ngiqjima ilampa lami nge-iri lo-8 ebusuku.

Ubaba ungitjele bonyana umzimba wami begodu nobuqhopho bami kuyaphumula bekuyakhula lokha nangileleko. Ubusuku obuhle nokulala kuhle kungisiza kobana ngilalele begodu ngifunde esikolweni.

Uthi bewazi na?

Abantwana bamabanga aphasi badinga ama-iri ali-10 ukuya ka-11 wokulala ubusuku ngabunye.





Ngiyakwazi ukuzinakekela.

Ngiyazikhakhazisa ngokuthi ngiphilile.

Godu ngifundisa noThakasile kobana ahlale  
aphilile.

Ngiyathemba uzigcina uphilile nawe!



### Izinga le 1-2

- Isomiso
- UNunu noBobo
- Abokamisa
- Ingoka esibayeni!
- UBongi nesiswebu
- UKwazi noKwekwezi
- Amawele alisizo
- Abentazana nembuzi
- Qophelela, Phephe
- Lihloma lihlabile
- UThabiso nokubutha
- Asongeni amanzi!
- Ingakwazi ukuphapha?
- UNdumi ufuna ukupenda
- Iinhluthu Ezikulu
- UPhilani ulimele
- Ithabo eplasini!
- UMelusi ufumana isimanga!
- UNobuntu umatasatasa!
- Ibhaji itjhugulukile

### Izinga le 3

- UPhumi ojabulileko!
- Ubaba uzokubuya nini?
- Umlilo!
- Umulwana wezavukazana
- Angiyithandi imirorho!
- Abangani kibo boke ubujamo bezulu!
- Ithando lamawele
- Imidhayi kaMonya
- Amanzi yoke indawo
- Irogo elihle
- Amanyathelo amatjha kaThobile
- Izungu lekosi likaNdalifa
- UNtombi ubamba isela!
- UMoli namakerekere
- Umlimi uVele neenkhabu
- Amaqanda kaZodwa alahlekileko
- Isibhelani sikaKulani
- Umzombe wepilo
- UBuhle noThuthumbo
- Umdoko omnandi
- Isihlahla eselaphayo
- Isifiso sikaLindi siyafezeka
- Ukusiza ubamkhulu aphole
- UTjjudu ukwazi ukutjho isikhathi
- Umbono omuhle wakaHlelo
- Imbewu yesimanga
- Ikambiso yamaVenda
- Umdlali ophuma phambili
- Iingosi
- Ibhola elahlekileko
- Indandatho yerhawuda
- Ingwenya enelunga
- USazi uphethwe mathumbu
- Imihlobo yeenthuthi
- Izipho

### Izinga le 4-5

- Ukunambitha ukudla kwesiVenda
- Ivakatjho lesiqhiwini seenlwana
- UGcina uzigcina aphilile!
- Umntazana okhaliphileko
- ISoweto
- Urhabele ini, Wenzile?
- Yikulu kimi!
- Isithomo esitjha
- Iinkunzi ziyazibuyisela
- Abesana abahlakaniphileko
- Ukuphilelwa
- Umthigi weemfesi
- Umulwana womgomani
- UMaVukuvuku idzinyani elinesibindi!
- Umraro engadini kagogo
- Inyathelo elihle
- Ibhudango lakaSizwile

**ZENEX**  
FOUNDATION

  
**MOLTENO**  
INSTITUTE FOR LANGUAGE AND LITERACY  
EST. 1974



Ulwazi Lwethu yiprojekthi esungulwe beyasekelwa ngeemali yiZenex Foundation ukwenza umlandelane weencwadi zokufunda zamagreyidi nokufundela ukuzithabisa ngamalimi we-Afrika neensetjenziswa zokusekela abotitjhere. Le iprojekthi iqaliswe khulu ekufundiseni nekusekeleni abafundi besiGaba esisiSekelo ukuthuthukisa ukufunda nokuzwisisa ilimi labo lekhaya. Iincwadi zeendatjana lezi zitlolwe zisungulwe ngamalimi alithoba ngokubambisana kweMolteno Institute for Language and Literacies, iNelson Mandela Institute for Education and Rural Development, iRoom to Read South Africa neSaide. Zoke iinsetjenziswa zenziwe njengeensetjenziswa zefundo evulekileko (Open Education Resources / OER).

Please visit our website to download the full copy of this reader:  
[ulwazilwethu.org.za](http://ulwazilwethu.org.za)



Creative Commons Attribution-  
NonCommercial-NoDerivatives  
(CC BY-NC-ND) 4.0  
International Licence

Disclaimer: You are free to download and share this work as long as you attribute Zenex Foundation, but you may not change this work in any way or use it commercially.

